

phanticis, quos leprosos vocant, qui propter nimiam sanguinis falsedinem admodum sunt salaces. Salacitatis exemplum habemus in Augusto Cæsare, qui rejectâ uxore Scriboniâ, Liviam quasi marito concedente sibi conjunxit. Quum aliquando illustrem quandam fœminam curru intecto & suo sigillo clauso ad se duci jussisset, Athenodorus, qui Augusto familiarissimus erat, gladio assumpto pro muliere currum clam ingressus est, & ita ad Augustum adductus, quem propriâ manu vela vehiculi reagentem repentè gladio adortus est Athenodorus his verbis: *Deinde non times ne aliquis hoc pacto te trucidet?* Et Imperat. Caligula mulierem jam desponsam viro eripuit, quam deinde mox odio habuit; cum sororibus congregari non erubuit. Heliogabalus ad monstrum usque Veneri sese mancipavit, & per cuncta cava corporis Satyrorum more libidinem exercuisse scribitur. Quid Antoninus Caracalla? quum Juliam novercam magna ex parte corpus nudantem vidisset, O quàm vellem, inquit, si liceret! cui illa, Si libet, inquit, licet; an nescis te Imperatorem esse, & leges dare, non accipere? Ælius Spartianus. David aspiciens Bethsebam, illicito igne uritur, & adulterium committit, 2. Samuel. II. Salomon 300 habuit uxores, & 700 concubinas, 1. Regum II. Amnon filius Davidis sororem Thamar vitiat, 2. Samuel. 13. Noti sunt Sodomitani, Gomorrhæi, item Gibeonitæ, Judic. 19. Porro vagæ & pravæ libidinis exempla passim occurrunt in historiis, ubi simul consecutæ pœnæ indicari solent. Legatur aureus libellus Johan. Spinæi de tranquillitate animi lib. 5. in voluptatem.

3 Castitati in defectu opponitur nimia abstinentia in Venere, per quam homo minùs quàm oportet rebus Venereis operam dat.

S C H O L. Admodum rarum est hoc vitium. Ab  
*imò rarissimum* inhone-